

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE
MJESNIH ZAJEDNICA
Broj: 03-04-3576/20
Lukavac, 12.08.2020. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-3576/20 od 12.08.2020. godine u otvorenom postupku javne nabavke građevinskog materijala i opreme i betonskih cijevi, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU

o izboru najpovoljnijeg ponuđača za nabavku građevinskog materijala i opreme i betonskih cijevi

Član 1.

Prihvata se preporuka Komisije za provođenje postupka javne nabavke broj: 03-04-3576/20 od 12.08.2020. godine i Ugovor za javnu nabavku građevinskog materijala i opreme i betonskih cijevi dodjeljuje ponuđaču „SIDDIK“ d.o.o. Poljice - Lukavac, koji je dostavio ponudu broj: 58-08/20 od 11.08.2020. godine, za ponuđenu cijenu u vrijednosti od 141.089,70,00 KM i rokom plaćanja 30 (trideset) dana od dana prijema računa kao najpovoljnijem ponuđaču.

Član 2.

Izabrani ponuđač je dužan da u roku od 7 (sedam) dana dostavi u originalu ili ovjerenoj kopiji dokumentaciju iz člana 45. stav (2) tačka d) Zakona o javnim nabavkama BiH tražene tačkom 12.2. i original ili ovjerenu kopiju potvrde poslovne banke iz tačke 13.2.2. Tenderske dokumentacije broj: 03-04-3576/, u suprotnom ponuda će se odbaciti kao neprihvatljiva.

Član 3.

Prijedlog Ugovora o nabavci dostavit će se na potpis izabranom ponuđaču u roku od 15 (petnaest) dana od dana obavještanja učesnika postupka o izboru najpovoljnijeg ponuđača.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-02-3578/20 od 10.07.2020.godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 164.000,00 KM.

Obavještenje o nabavci broj: 719-1-1-39-3-64/20 objavljeno je na Portalu javnih nabavki dana 20.07.2020. godine.

Komisija za provođenje postupka nabavke imenovana Rješenjem broj: 02-04-19-28/20 od 21.07.2020. godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-3576/20 od 11.08.2020. godine, Preporuku o izboru najpovoljnijeg ponuđača broj: 03-04-3576/20 od 11.08.2020. godine i Izvještaj o radu broj: 03-04-3576/20 od 11.08.2020. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da nije bilo neblagovremeno primljenih ponuda;
- da su ponude ponuđača: „Siddik“ doo Poljice, „Beton gradnja“ doo i „Dženex“ doo Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- Komisija za provođenje postupka javne nabavke je analizom ponude ponuđača „Buma Company“ doo Mosorovac utvrdila da je isti u ponudi naveo rok plaćanja 90 (devedeset) dana, što je u suprotnosti sa tačkom 20. Tenderske dokumentacije, zbog čega je Komisija ponudu ponuđača „Buma Company“ doo Mosorovac, primjenom člana člana 68. stav 4. tačka i.) Zakona o javnim nabavkama („Službene novine BiH“, broj 39/14), odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 164.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja..... 2 %

Ponuđač „SIDDIK“ d.o.o. Poljice dostavio je prihvatljivu ponudu sa cijenom u iznosu od 141.089,70 KM i rokom plaćanja 30 (trideset) dana od dana prijema računa i osvojio 99,00 bodova, te je u odnosu na kriterij za dodjelu ugovora rangiran na prvo mjesto.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), i člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „SIDDIK“ d.o.o Poljice
2. „Buma Company“ doo Mosorovac
3. „Beton gradnja“ doo Sižje
4. „Dženex“ doo Tuzla
5. Arhivi

